

# 南聘紀考

地


庫文閣内			
函架	三册	三二三八號	和書類

庫文閣内			
一七八函架	三册	三二三八號	和書類

(二册)

113

内閣文庫	
番號	和 31238
冊數	3 ( 2 )
函號	178 413



南聘紀考

地

南 聘 紀 考	地	南 聘 紀 考	南 聘 紀 考	南 聘 紀 考	南 聘 紀 考
------------------	---	------------------	------------------	------------------	------------------

南聘紀考

卷中

南聘紀考卷中

麁府平季安

編撰

自嘉吉元年  
至慶長十三年  
凡百六十八年

明正統六年則我

後花園帝嘉吉元年也初幕府義滿之子義昭削


髮為僧號曰尊宥官陞僧正補大覺寺門主博愛

衆人為世所敬重與小倉宮南帝結交深矣嘗勸

官曰今也將軍極奢虐民願君討之五畿九築必

多應者反覆天下莫善乎斯時宮大悅乃竊催兵

義昭稱疾自蓄其髮事既發覺幕府義教遣兵



討之乃以坊官一人出凶京師南方記為永享十

一年隱跡深遁來匿於日州福島世無知者義教

徧令於諸州募賞誅之我藩

大岳公兼旨乃命本多重經末弘忠勝財部因成

伊地知久安永野助家高水經家栢原好資樺山

孝久廻元政北郷知久加治水親平新納忠臣町

田一久稅所珍阿和田正直山田忠尚令擊勿道

為永享七年十月十四日既而義昭導讚岐坊名省

日事按七疑十一之誤既而義昭導讚岐坊善或

為坊官圓宗院或為坊官大和法主於野邊氏一

日義昭觀曰未知何器而問之名里人由是知其

人必非庸族遂聞于

公

公以白幕府幕府遣僧齋書來命

公捉捕異客為二十二年六月義昭又竊簡孝久勸謀

叛為十二年八月於是三月

公使新納忠續稱近北郷持久稱讚樺山孝久美

守濃本田重恒稱信肝屬兼忠稱河往福島且謀討

之乃說野邊氏招義昭於永德寺十三日遣鹿屋

某牧某恒吉某山田忠尚式部逼誅義昭義昭亦

既察其難遁為臨終歌遂自殺焉忠尚以公族臣

進斬其首省善乃遁不知所往一說省善時回自

切齒田氏譜與下章所載教書不合又可疑耳義

昭死年三十七十四日馳使報告幕府十七日

又遣即心坊玄照護送其首致之京師四月九日

報達幕府十日首至於京木田宗親十三日

幕感

公善謀成功特命使者齎翰及太刀國一腰腹卷

淺黃一領馬青一匹歸賜

公且加封以琉球國應所募也其封冊書則公室

事見寬永十八年島津久慶割記或曰其後國老

筆吏瀨戶山某假而留家延寶八年遇火失之云  
莫知其詳又七島影長所傳說曰義昭之出也  
幕府募公曰能致首者將封琉球公等以為  
彼今匿此實不異子窮鳥依懷耳而貪賞討豈忍  
敢為然誅賊則武將之常誰論恩賞遂討殺首  
幕府乃善賜又賜忠續持久孝久兼忠重恒教書  
琉球國云

各一通太刀各一腰亦賞其功十五日赤松滿政

播磨亦復公答書特賞其功令亦捉坊官又別

致書賞忠續等五人之功各授賜刀新納氏則長

光所造本田氏則正恒樺山則國宗而北鄉典肝

屬竝國行也皆傳于今為家寶云十六日滿政又

致

公書五月幕府猶以坊官遁為遺憾矣時會我

藩人友貞疑五代氏在京乃命友貞但捕坊官二十六

日友貞以檄重恆令啓

公謀之六月十七日幕府復遣使齋親翰及刀

馬來賜

公以亦賞之按琉球國原沖繩島而自往古列十

二島附庸於薩摩方者久矣事見長州藏自平家物語

得佛公補之地頭大抵二百五十餘年其間迨漸

為戰國南北分朝我藩亦劇擾未暇以懷遠邦由

是琉球遂臣外國亦五六十年于茲矣匪帝稱臣

削蹙我境詳見上章近却至為明使諭水邦亦勸偕

朝故幕府褒賞公功益封琉球蓋所以使

公遙領鎮撫漸復古焉也是年尚忠遣長史梁父

保使者楊布明泰通事梁祐等表貢方物已又遣

達福期等表賀萬壽聖節又遣通事沈志良使者

阿普斯等駕船載瓷器等物如瓜哇國市胡椒蘓

木至東影山遭風桅折進港修船歸國而明年則

彼正統七年也尚忠遣長史梁求保往貢以已志

訃告乞嗣位八年英宗遣給事中俞忭行人劉遜

齋詔來封世子尚忠為琉球國中山王仍賜王及

官

妃皮弁冠服金織襲衣幣布等物當忤等未至忠  
 已兩遣使貢馬及賀明年元旦是年我嘉吉三年  
 也對馬王宗貞盛始與朝鮮約每歲遣舟五十艘  
 交易朝鮮每歲贈米豆各二萬石于宗氏以為例  
 藩翰對馬要衝必經之我諸國之來往朝鮮者皆  
 受島主文引而後登焉海東諸國記九年尚忠王遣使  
 謝恩及貢者四使臣梁回奏乞一海船以便歲時  
 朝貢從之是十月二十四日尚忠卒壽五十四在  
 位五年十年乙丑子尚思達嗣位遣使往貢者二  
 宴賚如例皆書尚忠皆未以尚忠訃告也是歲琉

球高舶漂至廣東香山港巡戍欲盡戮冒切海道  
 副使章格不可乃為辨奏悉還其賞十一年遣使  
 入貢者凡二宴賚如例亦未訃告也十二年思達  
 遣長史梁求往貢以其父尚忠訃告請襲爵三月  
 英宗遣給事中陳傳行人萬祥來諭祭故王尚忠  
 封世子思達嗣琉球國中山王仍以皮弁冠服常  
 服及織金紵絲羅緞等物賜復詔諭其國臣庶皆  
 如例是年思達遣通事蔡讓等貢馬及方物宴賚  
 如例十三年封使陳傳等齎勅至琉球行冊封禮  
 思達遣使往貢其跟伴與四川長河西番人相毆

會同館門外有重傷者有司以其事聞英宗命毆  
至死者抵死十四年思達遣使梁同等貢馬及方  
物時福建尤溪沙縣方有冠警所司請緩期三月  
始達京已又遣使馬權度等往貢方物謝襲封恩  
王叔尚金福亦附貢馬及方物宴賚如例英宗賜  
衣幣冠帶命權度齎勅并綵幣歸賜王及王妃王  
叔權度呈言以所賜絹匹往蘓州府易紗羅紵絲  
歸國服用禮部以聞英宗從之是年十月十三日  
思達卒壽四十二在位五年無子乃立王叔尚金  
福為王金福巴志第六子景泰元年尚金福即位

遣使百佳尼朝貢景帝命齎勅并文綺彩幣歸賜  
王及妃通事程鴻言船壞不能返國願以賜幣造  
船禮部請移文福建三司聽其自造不得擾民從  
之蓋文明中所謂紋船今日楫船若馬楫者應其  
遺製也已又遣使梁回貢馬及方物宴賚如例是  
年則我寶德二年也十月幕府因新天龍寺命  
公徵輸硫磺充渡唐料他宜禁之二年金福遣使  
察都等往貢亦以自備工料造船為請禮部言今  
福建地方被賊人民難窘宜令其候本國進貢通  
事李敬等回日附載歸國從之已又遣使丑間美



等進貢是歲景帝遣左給事中喬毅或作行人童

一作董守宏諭祭故王思達封其叔尚金福為中山

王金福兩遣使往貢猶稱王叔蓋未達故云初其

請封也以那霜阻海不便往來故命國相懷機築

長虹堤自安里橋至伊邊是年功成懷機建神社

及佛寺於此曰長壽寺返愿故云亦我寶德三年

也七月金福遣使來聘于本邦室町九月義政

頒其幣物使人以一千貫獻于

朝廷見康初南島人百三十二人來朝于

聖武帝時爾後至是七百廿餘年而復朝貢蓋

公之力也於是乎金福信我神道建祠祭

太神宮所謂伊勢宮也是年義政遣使往聘于明景

泰三年封舟至國行冊封禮頒賜如例四年金福

遣使謝恩已又遣貢凡三宴賚悉如例四月十八

日金福卒壽五十六在位四年其弟布里與其子

士魯爭立焚燒府庫兩傷俱絕所賜鍍金銀印亦

鎔壞國又推尚泰久掌國事乃尚金福之弟也信傳

錄作第一子今五年泰久即位以聞明主并請鑄

印頒賜景帝命所司給之六年泰久遣使進貢時

王侄尚伯禮等具呈乞於蘇州叔買絲幣及釘蘇

等物修葺海船禮部恐其擾民不從景帝曰琉球  
 素遵王化與他國不同特許之且遣給事中嚴誠  
 李一本作彞一作行人劉儉充正副使齎勅來封王弟尚泰  
 父為琉球國中山王賜王及妃冠服絲幣等物如  
 例七年封舟至國行冊封禮泰父乃遣使往謝且  
 進貢景泰中日本僧芥隱來弘佛說泰父受其教  
 而礼待甚優乃命創三寺曰廣嚴今曰普門曰天  
 龍俱今不在令芥隱為閔山正住持而輪居焉其他卜  
 勝地多建寺院由是國人崇佛重僧自芥隱始芥  
 隱諱美琉平安人云是年泰父鑄鐘置之於護國

寺等此寺舊名安禪寺宣德中冊使柴山所建云先是英宗退位至是

復位改元為天順元年泰父又鑄置之天妃二廟

及壽寺等又創建末吉山熊野廟云二年遣使貢

明此年泰父遣大城姓夏名居數等帥兵討勝連先是

勝連按司阿摩和利以勝連叛中城按司護佐丸

姓毛名國知其叛狀整兵備之勝連却諛之王王遂

命勝連發軍圍中城護佐丸不堪忠憤自刎死之

由之勝連益逞叛逆謀攻中山而其夫人乃王女

知其機密走歸首里以報王王大悔且怒乃討亡

之三年又遣李敬貢馬及金銀器皿疏言本國王

府失火延燒倉庫銅錢請照永樂宣德間例所帶  
 貨物以銅錢給賜禮部以銅錢係中國所用難以  
 准給宜將估計鈔貫照舊六分京庫折支生絹其  
 四分移文福建布政司收貯紵絲紗羅絹布等物  
 依時價閔給從之泰久為政亦信神佛建祠祭祀  
 八幡如本邦俗云此年命鑄巨鐘懸諸臨海寺  
 四年遣使往貢宴賚如例六月五日泰久卒是則  
 我寬正元年也壽四十六據天妃宮鐘言庚寅在  
生則當是五十一歲  
 四年明年辛巳第三子尚德嗣位遣使王察等貢  
 馬及方物亦寬正二年也尚德棄德朝暮漁獵暴

虎無道鬼界島叛不朝貢久矣於是尚德遣兵攻  
 伐之六年遣使程鵬等貢方物宴賚如例是年又  
 遣人往貢以泰久訃告英宗命吏科右給事中潘  
 榮行人司行人蔡哲元正副使七年來祭故王泰  
 久封世子尚德為琉球國中山王仍賜皮弁冠服  
 等如例是年尚德遣王舅王察都長史梁賓等奉  
 表貢方物謝襲封恩已又遣崇嘉山等往貢宴賚  
 悉如例九年憲宗登極改元成化尚德遣其弟尚  
 武長史蔡璟等往貢表賀登極宴賚如例時使臣  
 在閩始學造曆亦我寬正六年也明年遣程鵬等



表貢馬及方物宴來如例是尚德親將伐奇界二月二十五日開帆那霸見一巨鐘浮於洋中取載其船以為八幡之賜二十八日進至奇界賊既立柵港口發矢石拒之多死傷者三月五日候夜雨黑倂為分兵以小舟向島背後賊兵乃令老兵戍港口皆赴後背將迎擊之尚德大喜指揮其兵悉上港岸放火攻進遂破之另立酋長十三日開船而還初其出軍也禱天射島一箭落之於是就創廟于安里村藏所得鐘名八幡宮乃本邦之神也又建寺曰神德寺為鑄巨鐘懸焉先是景泰年

間尚泰久創建天界寺至是尚德又建大寶殿於其中鑄巨鐘懸此寺焉三年尚德遣蔡璟等表貢方物宴賚如例此年尚德又遣使朝鮮呈進鸚鵡孔雀等物朝鮮王李瑒托使者齎方冊藏經回進尚德尚德大喜為護國之寶矣是我後土御門應仁元年也成化四年遣程鵬等表貢于明五年尚德遣長史蔡璟等表貢于明已又遣查農是往貢如例尚德還自伐鬼界弥誇自滿以招敗亡在位九年此年四月二十二日卒壽二十九歲世子幼雅國入廢之奉尚圓為王此年十月又

鑄巨鐘置相國寺七日溪隱銘焉今在天六年庚

寅尚四即位尚四伊平人即葉壁山也字思德金

又号金丸其先不可知或曰義本讓位隱北山疑

即其後也一云葉壁有古嶽名天孫嶽尚圓即天

孫氏之裔也父尚稷為里主葉壁伊是尚四生有

異瑞年二十喪考妣弟宣威時年五歲尚四憂苦

以農為業年二十四正統三年始渡國頭來仕中山尚

金福時始給黃帽景泰三年尚泰久時領內間稱內間

側內間之民皆親愛之時久早田苗皆稿獨其田

不雨而潤民驚傳為異王懼載妻子隱避世譜為

十四居葉十四年德日懋尚金福聞其賢召為黃

帽官轉御鎖側天順三年即今耳目官也間口侃

萬事當理德著民懷尚德嗣位天順四年多行不義

尚圓極諫云君用財若無窮殺人若不勝尚德怒

不聽再避隱於內間為成化四年八月九尚德卒

世子幼雅群臣殺之於真玉城請御鎖側立為王

以安國家尚四固讓不獲乃至首里即位除其虐

政順民所喜山林隱逸隨材器使遠近蠻夷皆歸

心焉是我

後土御門文明二年也

大岳公薨前此既老將渡琉球未果而逝云世子襲封是為

節山公此年幕府義政寄書于朝鮮此年遣程鵬等表貢方物程鵬在福州與委官指揮劉玉私通貨賄福建按察司奏言俱應究治憲崇宗宥之宴賚如例成化七年尚四遣使蔡璟等進貢于明以父尚德訃告請襲爵憲宗遣戶科都給事中丘弘行人司行人韓父為正副使齎儀物行慶弔禮封世子尚四為中山王弘行至山東病卒改命兵科給事中官一作榮偕父往時蔡璟等竊以織命蟒

羅製為錦衣刑部鞠之蔡璟等固稱是國王受賜于先朝者事聞憲宗命禮部稽舊籍有無禮部曰無遂没入內庫仍勅諭國王知之亦我文明三年也而頃歲幕府命復附庸于薩藩然泉境船等猶恣通商公難乎禁乃遣五代友平稱筑前守如京就左衛門尉行賴浦上美作守則宗陳啟上請十月抵京十一月幕府義政使行賴等命友平齎符歸賜公令以諭王其合符許否勿泊港且檢括載錢悉収以輸五日行賴裁書報

公亦知之四年正月友平還報乃

備州館

公遣使齎符往傳尚圓令以建制因饋太刀

目貫金菊

是明成化八年也二月尚圓遣金剛寺報恩寺及

里主等來聘于

慶府

公召賜宴遣五代某

源右衛門

往謝聘問二十三日

公親翰賜金剛寺米廿苞贖之也已又尚圓遣長

慶院來聘并議報京

公有宴賚是歲尚圓遣長史梁應往明貢馬及方

物宴賚如例時福建三司官奏稱琉球國人先因

進貢潛居內地遂成家業年久不還應盡遣之室

宗命禮部議禮部奏曰其人若兼戶部勘合許入

籍者依舊令居其餘如請憲從之此年封舟至國

行冊封禮乃遣王舅武實等往貢于明謝襲封恩

九年至京宴賚如例武實具呈言國王常遣人往

滿喇加國收買貢物遭風壞船漂至廣東有司轉

送福建自備工料修船同回憲宗許之武實等還

次福州修船時其倭從人等殺人却財事聞憲宗

命禮部議禮部奏言琉球每年入貢故生奸弊乞

命二年一貢憲從之秋又遣蔡璟等往貢方物宴

賚如例亦我文明五年也十二月 義尚任將軍

備州館

六年四月

節山公薨世子襲封是為

圓室公六月無年姑置尚四遣使齋書來致我國老謝

賜刀恩因言使至授符兼徵賀聘皆聽命矣是歲

幕府遣書于朝鮮又遣僧取龍齋親翰來命

公定通船制

公亦聽命乃附取龍還有所啟聞九月常

幕府命泉船寺小島林太郎左衛門尉堀湯川盟

春開洋渡明於是二十一日加賀守飯尾大和守

兼旨檄

公令以得達禁餘通船取龍亦奉命附載使明故

二十九日移文國老平田兼宗村田經安令以傳

旨豫徵硫磺竝過坊津是明成化十年也尚四遣

使沈滿志等貢馬及方物宴賚如例仍以鈔絹酬

其自貢物值滿志等乞如舊例折給銅錢不許十

一年世譜為十年事又遣使程鵬進貢附奏乞如常例歲

一朝貢憲宗勅王曰王使朝貢如例賞賜遣還近

福建鎮守官奏通事蔡璋等還次福州殺人劫財

非法殊甚今因使臣還特降勅省諭勅至王宜問

璋等故縱其下之罪追究惡徒依法懲治自後定



例二年一貢止許百人多不過加五人除正負外  
不得私附貨物并途次騷擾有累國王忠順之意  
其省之琉球入明二年一貢自斯始云秋又遣梁  
應等進貢謝恩亦我文明七年也幕府遣使聘  
于明十二年梁應等至京會憲宗立皇太子應因  
奏乞如朝鮮安南例賜詔齋回禮部以琉球日本  
占城皆海外国例不頒詔憲宗特命降勅并以錦  
幣歸賜其王及妃成化年中建寺命曰天王以備  
家廟後迨弘治七年尚真建宗廟于口覺寺以天  
王寺為諸王妃廟又創王廟於泊村建寺其側名

名曰崇元每世冊使有諭祭必行禮于此而舜天  
以下世神主皆奉安焉春秋二仲以華禮祭之著  
為定規又建寺於浦添村名曰龍福亦為歷朝王  
廟竝先年紀故合紀焉十二年秋遣李榮等表謝  
賜錦幣又遣程鵬等貢馬及方物復奏乞歲一朝  
貢七月二十八日尚圓卒壽六十二在位七年百  
官庶人如喪考妣十三年丁酉弟宣威攝位世子  
尚真嗣位宣威尚圓之弟少育於兄九歲從兄渡  
國頭至中山為黃帽官天順七年三十四歲迨尚圓登王位  
領越來故稱越來王子尚圓卒世子尚真年十三

時稱久米宣威攝國事六閱月國人樂附十四年  
中城王子二月遂引尚真掖就王位已東嚮立退隱於越來  
是歲李榮第奉表至京謝錦幣恩程鵬等亦至貢  
馬及方物復請歲一遣使朝貢憲宗不許命如前  
勅八月四日尚宣威卒壽四十八謚義忠尚真遣  
長史梁應等以尚圓訃告并請襲封憲宗命兵科  
給事中董旻為正使行人司右司副張祥為副使  
賚詔之國封世子尚真為中山王賜皮弁冠服金  
鑲犀帶并以綵幣賜王及妃應等具奏仍欲一年  
一貢不許是我文明十年也二月幕府候遣明

使方過我藩三十二日賜書命  
公令必如意得以達焉其明年即成化十五年也  
尚真遣使李榮往貢迎封冊賜宴及衣幣此年封  
舟至國行冊封禮十六年又遣使馬怡世往  
謝附奏乞如舊例不許乃命怡世等齎勅回賜王  
以諭之亦我文明十二年也初尚圓將遣使表賀  
幕府兼統而未果卒時猶騷擾未暇徵聘近屬寧  
靜當以朝聘於是二月布施下野守奉旨遣安  
田某之國催責十一日附檄  
公曰宜以諭王令照先例速發貢船勿後使回矣

四月二十九日安田抵藩  
公審兼旨遣人偕使往告尚真以勸速朝已又裁  
書報下野守十三年辛丑尚真王遣使入貢本藩  
謂其貢船俗曰紋船一作文船或綾船或龍舟而畫青雀黃龍  
云按永樂年間明太宗賜王海舟令便朝貢則知  
當之而到于今日楷船若馬艦者亦其遺製也而  
明年成化十八年也尚真遣使貢馬及方物乞以  
陪臣子蔡賓等五人於南京國子監讀書命有司  
如舊制歲給衣服廩饌尚真又以不時進貢為請  
禮部言其意實假貢進以規市販之利宜勿聽禮

部又言琉球國進貢舊例到京少則四五十人多  
則六七十人俱給賞有差邇因各國進貢率多奸  
弊每國止許五七人不過十五人到京餘俱留邊  
以俟今福建以例止容正議大夫梁應等十五人  
赴京既已給賞餘六七十人俱留布政司宜祭官  
帑以次均給庶不減削太甚失柔遠之意從之而  
我文明十五年其明年也凡本邦遣明船俗云渡唐船  
今日州緣海警護出入為定例矣於是四月飯尾  
大和守布施下野守兼義尚旨九日移文本藩令  
益守制勿敢惰弛焉其明年則成化二十年也尚

真遣使程鵬等貢馬及方物奏言永樂年間所賜海船破壞已盡止存其三乞自備物料於福建補造部議許造其一二十一年秋尚真遣長史蔡曦等貢馬及方物時官生蔡賓等在監肄業已五年王咨禮部請放回省親憲宗曰昔陽城在太學諸生三年不歸者斥之矧賓等遠人豈可長留不遣乎竟命放歸二十二年傳信錄作二十三年尚真遣陪臣馬審禮等往貢方物謝恩至則孝宗嗣位登極已四月矣乃賜馬審禮等冠帶衣幣仍命領詔賜王及妃錦幣弘治元年又遣使皮揚那等從浙江往

貢孝宗命却之以貢道當由福建且貢非其時也皮揚那等具以國王咨禮部文言成化二十一年本國正議大夫程鵬等進貢回國報知皇太子冊妃乃遣使表賀並貢方物禮部言琉球入貢雖與例限不合然遠人之情可念况箋文方物已至京難於終却請暫賜容納後仍以舊例裁之或因福建風水不便取路浙江亦令審實奏請方許起送今次所給正副使絲緞等物宜如舊例番伴從人減半以示裁抑之意從之時蔡賓亦隨貢使行言成化中讀書南京國子監今吏部侍郎劉宣時為

為祭酒特加撫恤乞容執贄於宣所致謝許之  
 三年世譜作二年秋尚真使馬仁等進香重五別遣王舅  
 麻勃都等往貢表賀孝宗登極麻勃都奏稱本國  
 來貢人負近止許二十五人赴京物多人少恐致  
 踈失又謂本國貢船抵岸所在有司止給口糧百  
 五十名其餘多未得給孝宗命來京許增五人增  
 口糧二十名著為定例時有曰松氏比屋勢頭者  
 始學烟花藥法琉球為烟花戲自斯始云五年尚  
 真創建圓覺寺及荒神堂遷芥隱為開山焉本年  
 七年皆遣正議大夫梁德進貢賜王錦緞宴賚德

等如例是年命攝宗廟于圓覺寺謂之御照堂奉  
 王統昭穆神主祭焉九年尚真遣正議大夫鄭玟  
 往貢賜王錦緞宴賚玟等如例此年命鑄巨鐘建  
 樓于圓覺寺置焉十年八月尚真命日本僧樗不  
 材立碑于萬歲嶺在首里是復遣大夫程璉鄭玟  
 長史龍能通事陳陣義往貢于明事竣道三山前此  
 尚真創圓覺寺於王宮北乃請三山許天錫撰之  
 碑又十一年齋回八月立焉是年又梁能陳陣義蒞  
 造石欄及檣於寺之山門外王命也十三年又遣  
 鄭玟往貢賜王錦緞宴賚玟等如例初自洪武中

宮古八重山入貢中山無年不貢頃年酋長曰堀  
川原赤蜂者據八重山謀反與宮古島酋長仲宗  
根豐見屋交惡赤蜂將攻宮古尚真聞急此年二  
月二日遣大里等率四十艘兵導仲宗根開帆那  
霸十三日入八重山石垣之境分兵水陸夾而攻  
擊遂克之乃立酋長而引兵還由是朝貢復如初  
遣使進貢請於福建補造海船以便往回從之是  
年尚真命鑿沼於城門外建堂其中洲先是成化  
尚德遣使聘于朝鮮朝鮮李孫托使者齋方冊藏  
經回饋尚德傳至尚真凡三十六年矣故造堂藏

之後百十九年天啟元年堂壞經朽尚於是尚真  
豐改建辨財天堂云我元和七年也  
頒其藏經此年遣使齋聘慶府寶我

後拓原帝父龜二年也公得朝鮮本大藏經大珍賞  
之先是本府歲設般若會者久矣乃六月命建一  
宇以擬摩尼寶殿十八日召僧桂菴等十一名令  
讀其經訖二十六日皆以禱

公及夫人法名天真世子故也桂菴記焉則書曰

琉球薩州附庸允書附庸見古書者蓋首于斯也  
而明年弘治十六年也尚真又遣使吳詩等往滿  
刺加國牧買貢物遇風舟覆詩等百五十二人漂

至海南登岸為邏卒所獲廣東守臣以聞孝宗命  
送詩等於福建守臣處給糧贍養候本國貢使歸  
之十七年尚真遣使具言前使遭風未回致失二  
年一貢之期至是補貢納之十九年武宗登極改  
元正德命行人左輔頒詔至國二年尚真遣大舅  
亞嘉尼施等貢馬及方物表賀登極奏乞每歲一  
貢禮部議琉球在昔朝貢不時至成化十一年  
文明也因使臣不法敕令二年一貢今彼因入貢  
違期故為此奏以飾非宜勿聽武宗特許之長史  
蔡賓奏乞自備工料修造貢船二隻禮部議行鎮

巡官驗實量修不必改造賓復奏武宗曰令二船  
拆卸補造第勿過式是我永正四年也明年戊辰  
圓室公薨世子襲封是為

蘭窓公是歲尚真命造冊墀石欄及龍柱

明年弘  
告成

壯觀也正德四年尚真遣正議大夫程璉等進貢  
五年請以官生蔡進等五人入國子監讀書許送  
南監仍給衣廩等物如例亦我永正七年也十月  
幕府移文我藩掌渡唐船十日義植賜

公親翰及太刀一振刀一腰使大內左京大夫傳

以致藩

見御內書案但書島津陸奧守  
殿推時當公故姑置于此

先是公族

忠朝之臣日置直久稱美作守祠故大覺寺義昭於日

洲福島既而忠朝差使京師就上部兼俱奏請神

號

後土御門帝冊贈福島大明神為明應六年九月至

是

公又招僧賴政俗姓酒勾氏一乘院住職創寺府下曰大興寺

冥神主焉所謂善投所也正德六年尚真遣正議

大夫梁能七年遣正議大夫梁寬等十年遣長史

陳議皆貢于明宴賚如例乃我永正十二年也六

月

修史

公施田於大興寺七日又賜之書一說創寺是歲為此年誤

蘭窓公薨令弟襲封是為

興岳公十三年即當正德十一年也三月月日取備中蓮島

人三宅國秀和泉守貞享元祿間大龍寺不門和

無蓮島而有地尚備前產也前史重英訪地理曰今將假道於我往伐琉球既率艦十

二艘二十八日來泊坊津來候風潮者有日焉四

月尚真遣使天王寺謝那大屋子等來聘賀

公襲封二十五日紋船着岸按當時式以執政肝屬

宮音石并旅世等所議五十九件允時之遇琉使也赤帽下部必

異班位各設舍館而行聘禮

修史



公親蒞朝竣而使退

公又就為勞既而命使領回翰及物件歸報尚真

又每紋船至輒領施其貢物於太真寺國老島津

入或歲輸琉米七島以示報本云應首于斯也詳

慶長十四年

公怒國秀將伐琉球曰琉球自古累世為吾附庸

父矣彼何為伐也乃聞幕府請以伐之義植許

六月朔日竊催兵艦載柴漕逼順風縱火乘勢進

擊國秀盡殲其黨是歲尚真又遣建善寺西殿等

來聘本府凡紋船二隻蓋

公召仕宴賚如例尚真又遣遣正議大夫梁龍貢明

十二年遣正議大夫陳義十三年遣遣長史蔡遷皆

貢武宗宴賚如例亦我永正十五年也是年尚真

遣僧天三等來聘本府九月

公遣對馬守姓氏未考往聘琉球二十二日附致王書

謝使期春且通信爾十六年四月

公薨次第立嗣是為

大翁公而明年正德十五年也尚真遣長史金良

往貢馬及方物十六年又遣椰馬度等貢方物皆

正德十六年辛巳六月十五日三司官致種子島

武藏書七月十二日達自琉球宴賚如例正德中  
尚真命建西御殿為天使館又本邦僧日秀抵琉  
球自建社宮於金武村十七年世宗登極改元嘉  
靖尚真遣王舅達魯加尼進香貢方物慶賀登極  
世宗詔賜王及妃錦幣勅王仍遵先朝舊例越二  
二年一朝貢每年不過百五十人仍命福建巡按  
御史查勘驗放而其明年我大永三年也管領細  
川高國兼義晴旨遣僧鸞一名瑞佐為正使偕宋素  
卿等往于明仍命素卿乞互市利閏三月十七日  
從山川開洋大內義興亦遣僧月渚薩牛為副使

偕宗設等同往于明四月二十七日宗設先抵寧  
波府素卿雖後厚賄府官故其容謁也先召素卿  
宗設大怒五月朔日立殺府吏忽出洋還世宗一作  
武宗乃令所司捕宋素卿拘擊不獄鸞岡死之年  
五十六矣嘉靖三年尚真又遣長史金良等二十  
一貢于明良言其國先有正議大夫鄭繩領謝  
恩方物渡海風漂未至而表文在此請得先進許  
之四年繩至言方物以舟敗至是復進福建守臣  
以聞世宗命就彼中宴賚遣還方物令所司轉運  
仍令繩賚勅轉諭日本國王令捕繫倡亂者以獻

嘉靖五年八月尚真別

武藏書七月十二日達自琉球宴賚如例正德中  
尚真命建西却殿為天使館又本邦僧日秀抵琉  
球自建社宮於金武村十七年世宗登極改元嘉  
靖尚真遣王舅達魯加尼進香貢方物慶賀登極  
世宗詔賜王及妃錦幣勅王仍遵先朝舊例越  
二年一朝貢每年不過百五十人仍命福建巡按  
御史查勘驗放而其明年我大永三年也管領細  
川高國兼義晴旨遣僧鸞一名瑞佐為正使偕宋素  
卿等往于明仍命素卿乞互市利閏三月十七日  
從山川開洋大內義興亦遣僧月渚薩牛為副使

偕宗設等同往于明四月二十七日宗設先抵寧  
波府素卿雖後厚賄府官故其容謁也先召素卿  
宗設大怒五月朔日立殺府吏忽出洋還世宗一作  
武宗乃令所司捕宋素卿拘擊不獄鸞岡死之年  
五十六矣嘉靖三年尚真又遣長史金良等二十  
人往貢于明良言其國先有正議大夫鄭繩領謝  
恩方物渡海風漂未至而表文在此請得先進許  
之四年繩至言方物以舟敗至是復進福建守臣  
以聞世宗命就彼中宴賚遣還方物令所司轉運  
仍令繩賚勅轉諭日本國王令捕繫倡亂者以獻

乃我大永四年而倡亂者應指宗設也五年琉球  
官生蔡廷美等請就國子監讀書令禮部照例給  
廩米薪嘉靖五年尚真遣天龍寺皇華來  
聘本府賀嘉靖五年公襲封實我大永六年而自  
公享國至是八年不德國亂故應遷延也尚真天  
姿明敏又能謙已受益繼述父業治道大明政刑  
咸備舊制每府遣按司蒞治之權重兵爭至尚真  
時草制令聚居首里遙領其地歲遣察侍紀官一  
負知其府事歲終上其成於按司是歲十二月十

六年丁亥  
大永七年  
七年己酉

享祿二年

享祿三年

一日卒壽六十二在位凡五十年世子維衡不協  
于父六年丁亥第五子或作王子尚清嗣位七年遣  
正議大夫鄭繩等貢于明請襲封繩等回至海中  
遇風溺死八年尚清蓋和建國門榜曰待賢後改  
曰首里或為七年九年又遣蔡瀚貢于明申前請禮部  
以襲封重典命福建鎮巡官查訪申報瀚請遣讀  
書官生蔡廷美等四人還本國婚姻給賞幣布有  
差瀚又言來經日本日本國王源義晴托齎表文  
乞赦其使臣宋素卿之罪併乞新勘合金印復修  
常貢禮部驗其文俱無印篆言倭情謫詐不可遽

乃我大永四年而倡亂者應指宗設也五年琉球  
官生蔡廷美等請就國子監讀書令禮部照例給  
廩米薪炭及冬夏衣已可皇華來  
聘本府賀公襲封實我大永六年而自  
公襲封實我大永六年而自公襲封實我大永六年而自  
公享國至是八年不德國亂故應遷延也尚真天  
姿明敏又能謙已受益繼述父業治道大明政刑  
咸備舊制每府遣按司蒞治之權重兵爭至尚真  
時草制令聚居首里遙領其地歲遣察侍紀官一  
負知其府事歲終上其成於按司是歲十二月十

六年丁亥大永七年  
七年享祿二年  
享祿二年  
享祿三年

一日卒壽六十二在位凡五十年世子維衡不協  
于父六年丁亥第五子或作王子尚清嗣位七年遣  
正議大夫鄭繩等貢于明請襲封繩等回至海中  
遇風溺死八年尚清蓋和建國門榜曰待賢後改  
曰首里或為七年九年又遣蔡瀚貢于明申前請禮部  
以襲封重典命福建鎮巡官查訪申報瀚請遣讀  
書官生蔡廷美等四人還本國婚姻給賞幣布有  
差瀚又言來經日本日本國王源義晴托齎表文  
乞赦其使臣宋素卿之罪併乞新勘合金印復修  
常貢禮部驗其文俱無印篆言倭情謫詐不可遽

信勅琉球國王遣人傳諭日本令橘獻首惡送回

擄去指揮奏請裁奪十一年正義大夫金良等賚

國中人民結狀請冊封世宗遣吏科左給事中陳

侃浙江行人司行人高澄順天為正副使齎詔來

封尚清為琉球國中山王仍賜以皮弁冠服等物

如例十三年詔命未達尚清遣正議大夫梁椿進

貢表稱世子云外國貢使至京輒皆有防禁常令

得游觀貿易為例矣惟實我

後奈良帝天文三年也五月八日冊使出海二十五

日至那霸港或轉舟至葉壁山小舟四凡行海十

八日冊封禮竣九月二十日出那霸二十八日至

定海所凡七日回云陳侃等還上使琉球錄一卷

因言從前諸書亦多傳訛請下所錄史館世宗詔

從之後入遂以陳氏之書為得其實也新井白石曰

見琉球米覽異言因知陳氏所取未必盡得之而

從前諸書未必盡失之也徐葆光亦曰使期促迫

謬所聞異詞寡取信云是也十四年陳侃等又言

海中風濤之險多藉神麻不致顛覆乞賜祭以答

神祝禮部議令布政司設祭一壇報可尚清王遣

王舅毛寶等往貢謝恩宴賚如例仍以錦幣雜物

金奏進世宗命侃等受之而十六年我天文六年也大島恃遠絕貢不朝是歲尚清遣將往征之由

之復守朝貢如常先是島多置酋長於其中獨與灣大親資性忠純善務職事

為同僚所猜忌至有謔言至是尚清遣兵討十七之大親乃仰天嘆曰知吾天子自縊死云

年尚清遣使陳賦進貢且箋賀皇太子宴賚如例

十九年尚清又遣長史梁梓貢馬及方物奏請補

造海四以便續貢許之禁不得違或二十年又遣

使殷達魯等往貢宴賚如例二十一年長史蔡廷

美招引漳州人陳貴等駕船之國適與潮陽船爭

利互相殺傷廷美乃安置貴等於舊王城盡沒其

賞貴等夜走為守者所掩捕多見殺於是誣貴等

為賊械繫送福建廷美賚表將赴京陳奏巡按御

史徐宗魯會同三司官譯審別狀以聞留廷美等

待命得旨貴等違法通番著遵國典重治琉球既

屢與交通今乃敢攘奪貨利擅殺我民且誣以賊

說逆不恭莫此為甚蔡廷美本宜拘留重處念素

係朝貢之國姑且放回後若不悛即絕其朝貢令

福建守臣備行彼國知之自此唐土高船終不復來但琉球與諸夷海國

交通如故二十二年尚清遣正議大夫陳賦等貢馬及

方物宴賚如例并以禮幣報王王請遣官生梁炫

等歸娶時炫等就學南監已踰七年詔給資糧馭  
騎遣人護歸二十三年初首里城西北圍以二重  
而東南為一重至是命築雉堞亦為二重高五丈  
濶二丈長一百十五丈題門曰繼世至二十五年告成  
十四年二月初平行盛等遁自壇浦而匿大島爾  
來其徒悉倭舟至後每倭船過其洋輒遭颶摧覆  
相傳咸為怨靈所祟故七島郡司等特欲慰崇以  
蒙神庥奏請尚清至是許之仍遣人齋詔就冊其  
廟為新立王殿春秋仲祀之由是憤懣之靈漸解  
穀以得利濟云已又尚清遣長史梁顯往貢送還

朝鮮漂流人口宴賚如例是我天父十四年也二  
十六年尚清又命新建大美殿先是為世子在中  
城造小殿于首里便問安所迨即位恐宮殿祭神  
似漫瀆或慮夫人宮女就寺燒香亦不便就旧殿  
建之供齋潔節薦之所八月起功明年十二月告  
成名曰大美殿後遺詔永勿革制此年尚清遣陳  
賦往貢賦與蔡廷會偕來廷會祖蔡璟閩人永樂  
中撥往琉球克水手而產籍在閩與給事中黃宗  
槩上世有親至是廷會來宗槩與交通饋謁事覺  
逮下詔獄禮部請並罪賦革其賞世宗曰陳賦無



罪賞如例蔡廷會交結朝臣法當重治念屬貢使  
姑革賞示罰蔡璟既永樂中撥出何得於中國置  
產立籍行撫按官勘明處分二十八年尚清遣正  
議大夫梁頤往貢宴賚如例二十九年又遣官生  
蔡朝用等五人詣京請入監讀書許之三十年秋  
遣蔡廷會等往貢三十二年又遣長史梁炫往貢  
宴賚悉如例此年命築雉堞於屋良座杏以江口  
緊要之地也三十三年尚清築二砲臺於那霸港  
口此年倭寇江浙蓋為備之也三十四年尚清遣  
正議大夫梁碩進貢且疏言貢舟至港其勢必壞

五請令使臣買海上民船駕還詔福建守臣覆狀聽  
買不得過丈又請放官生蔡朝用等歸國省親許  
之遣使送歸尚清為人聰明智斷剛強英毅能振  
其祖尚圓父尚真遺緒國中事多所興革至今法  
守焉是歲六月二十五日卒壽五十九在位二十  
九年明年丙辰第二子尚元嗣位即嘉靖三十五  
年而本邦  
後奈良帝弘治二年也是歲夏海寇徐海傳信錄敗  
于浙直有逃入琉球者世子尚元率兵邀擊盡殲  
之馬心度得所掠金埒等六名三十六年尚元遣

正議大夫蔡廷會等往貢請襲封附送坤等還因  
言窮島遠人須乘夏令遇南風汛始得歸國乞如  
三十四年例每歲自行修買歸舟不候題請世宗  
嘉其忠順許之仍賜勅獎諭賞銀五十兩絲幣四  
表裏有功人馬必度及廷會等俱厚賜三十七年  
世宗遣給事中吳時來行人李際春為正副使無  
何時來疏論大學士嚴嵩奸邪狀嵩言其畏航海  
之役故生事妄言世宗怒放時來遣成改命刑科  
給事中郭汝霖為正使偕際春以行而明年我  
正親町帝永祿二年也先是三州大亂

日新公及  
大中公以仁懷降以義討叛克靖國難少不臣服  
者遂仰尊

大中公為中興君於是乎尚元亦欽其德風是年

正月十一日遣天界寺登叔世名城王良仲姓薛氏名

章齋表及方物來朝于本府此云御內及加世田賀元

且也皆行聘禮宴齋使者及夥長如例所謂聘物

黃金五十兩真南蠻香五十斤紅絲白絲各五十

斤線織物白布各五十端其他砂糖綠醞等五十

樣云後五十五年慶長十八年尚寧遣馬良又問

德來賀元且一說以是為賀正始誤也

歲為嘉

靖中

太平島

即官古島

人泊于片浦遭風壞舟

日新公憫其難回令所司補造舟楫得駕歸

年因王遣建善寺月泉來聘謝恩其造朝也鐘鼓

儀狀有明人之風而聘物則黃金三十兩真南蠻

香三十斤線織物三十端紅白及五色絲各二十

斤白布五十端其他密砂糖綠醅等數種三年一

貢多如此類為例云先是備前蓮島人今岡道詮

民部念三宅國秀功不成復起舟師先飛德永某

佐人等檄報知其事

公乃命伊地知周防村田右衛門遣人報聞三司

官等年月未考係

公時故類書于此耳嘉靖三十九年冊使汝霖等

未行而正議大夫蔡廷會往貢奉表謝恩因言以

海中風濤叵測倭人出沒不時恐使者有他虞獲

罪上國請如正德中封占城故事遣人代進表文

方物而身同本國長史梁炷等賚回詔冊不煩遣

使部議以為不可止許入貢方物候受封後方進

謝恩表文世宗從之是年流和為美于久米島葛

可昌于伊比屋島皆居法司有罪故也而四十一

年我永祿五年也五月二十二日汝霖等封舟出

海閩月九日至那霸港奉詔行禮冊封尚元為琉球國中山王仍賜以皮弁冠服等物十月十八日出那霸二十九日至五虎門來回海行皆十一日云汝霖之居天使館也不堪鬱蒸大夫蔡廷美等以聞王王乃構二小樓於寢堂之後地圍以竹籬植以花草頗有幽趣郭公大喜乃書其扁曰息思為之記後為云尚元乃遣其舅源德偕汝霖等往謝初王以金四十兩餽汝霖為謝却之至是源等齎所餽金請命世宗謂朝廷命使無受謝之義詔聽汝霖等辭尋以二臣遠行著勞各賜銀幣四十

二年尚元遣正議大夫鄭憲往貢送還漂流人口世宗降勅褒諭賜鏹幣憲因奏本國亦有流入中國者乞命守臣恤遣下其疏於瀕海所司四十四年尚元遣長史梁灼等貢馬及方物送還本國北山守備鄭都所獲中國被掠人口世宗嘉王忠順再勅獎諭仍賜銀五十兩絲幣四表裏灼都各二十兩一表裏四十六年穆宗即位改元隆慶是歲尚元遣使蔡朝用等進貢謝恩宴賚如例二年又遣王舅翁壽祥等使往賀登極又遣使宗善等進世宗香三十俱宴賚如例三年尚元遣守備由必都等歸日本掠去人口福建

守臣以聞穆宗以王屢效忠誠賞賜銀幣同前仍  
賜勅獎勵由必都等給銀幣有差云我永祿十二  
年也是歲尚元遣天龍寺來聘本府宴賚遣還前  
此日本上野僧日秀既巡六十余州遠航住富藏  
河千手院年歲屢豐民為之謠曰神人來兮富藏  
水清遊兮白沙化米住波上三年復回北山事見  
史略年紀不詳然是年十一月

大中公命日秀建供養石據此應在此頃矣後七年

正三年十二月八日入元龜元年

定于日當山三光院 大中公既老 世子嗣位一說為永祿十一年事 是為貫明

公正月二十七日發船遣廣濟寺雪岑往聘琉球

三月二日

太公亦附贈翰皆修舊好也七月十四日雪岑皈

府二年六月

太公薨即隆慶五年也尚元遣鄭憲往謝于明又

歸被掠人口再獎勵賜銀幣給賞如前遣南監受

受學官生梁照等三人歸國從王請也初大島酋

長與灣大親既亡後其同僚謀叛絕貢不朝於是

此年尚元親帥兵船五十餘往討之悉誅賊酋另

立酋長令鎮撫焉既而尚元患疾殆危法司馬順

德祚代王死遂愈班師是年順德卒尚元命厚葬  
且封其子為按司後世襲此年又建一廟于圓覺  
寺所謂御照堂此也六年四月朔日尚元卒壽四  
十五在位十七年其為治亦尊我方俗由是久米  
邨人林氏始祠管廟焉萬曆元年第二子尚永嗣  
位是年神宗登極琉球未聞鄭憲兼往貢請龍封  
禮部行福建鎮巡官查勘又送還被掠人民獎賚  
如例雪岑之使也尚永喪未闋矣三司官等令人  
迎導入自小門而托雪岑齋回翰歸呈  
公其授之則捧自大門以授之又三司官等勞雪

岑亦不親就館頗革舊禮似示倨傲初幕府命我  
先君定通船制見上而近禁弛無府契亦至恣容泊  
加之國吉丸副夥長為人被刎首且響府志得夥  
長亦陪朝會為例至是革式此類尚多雪岑恚而  
回府云時我天正元年也二年尚永遣王舅馬中  
叟長史鄭佑等十八人往貢賀神宗登極又遣毛  
有倫等進穆宗香三俱宴賚如例前使鄭憲等  
未回是年尚永遣馬慶等移咨布司至閩探問之  
公再遣使齎事目數章往悉詰問三司官等謝曰  
將近遣使具陳對問請以啓報三年三月尚永遣

天界寺金乃大屋子來聘本府賀公襲封二十七

日紋船着岸國老令人導天界舍于興國寺大屋

子舍于德永氏稱源五左衛門疑隼人佐之子而

人見上永二十九日使上井為兼即伊勢守覺兼上原尚

常稱長守就舍勞之天界置酒餽而使島織物各一

端又昇從臣大屋子亦宴彈三絃餽織物如之從昇

各一端四月朔日琉使請招為兼尚常於興國寺

以金藏主為通事演三司官所對辭曰前問事目

逐件聽愛莫事非理豈敢拒焉為兼等曰不逐一

對難以啓報琉使曰邦內諒闇不遑拒船簡禮待

使亦職由之自後須復必加賓禮但今薄腆不亦

使臣所得知也回國報告又賜翰幣邦則王所受

故迎小門而捧回翰則公所受故捧大門又兼列

首事此是水午論事鬪爭夥長怒乃擊琉人自死

之耳雖速遣使欲以具陳適因諒闇延遷兼問故

遣臣等賀

公襲封併以報謝時雪岑亦趨召於府下舍室持院國

老乃使為兼等悉舉其言以質雪岑雪岑曰雖逐

一對不亦誓載恐後或違請其思之三日為兼等

以聞



公曰琉球附庸於藩奉霸府旨世遙領之而  
每兼繼輒遣紋船者久矣然寢疎濶而時通聘亦  
稍薄典由是以為今而柔懷亦減舊聘後至廢絕  
其勢可知不固貪多吾惟愛禮故與促多寧却聘  
物以示其意如何下國老議之國老兼旨乃使為  
兼尚常就舍館以諭琉使曰前示事目雖逐件對  
不以誓表示賓服意後或至渝亦未可知宜却聘  
物止許朝謁若受聘物欲依先躅及寡君身苟革  
舊戎寡君甚耻焉琉使謝曰不備聘物何徒朝謁  
伏願列相陳啟容納回國報實四日為兼等以聞

修史館

國老國老不聽復遣詰之愈令強對於是為兼等  
召筑登及夥長於小島氏稱縫殿助使之說理且諭曰  
若今琉使無所專對止許朝謁令却庭實八日國  
老復遣為兼等就催速對琉使乃曰將詢雪岑位  
所裁對請少優待既而雪岑為琉使復請為兼尚  
常於興國寺以對之曰今也臣等不能專對咨決  
雪岑莫如益贄速行聘禮但所已齎遵永正例請  
亦照例示所不足更欲填補惟命是從此日公弟  
歲父國老川上意釣等會雪岑於川上氏為兼等  
以報之雪岑曰金益三十兩如何咸曰可也為兼

修史館



等以命琉使琉使聽命於是尋命曰宜以明日行  
朝聘禮九日大雨因遣使更命候霽造朝九朝必  
由大門升而於琉球迎我聘使宜亦從之且永正  
中及  
大中公時宴賚琉使沙容夥長亦與朝會為例又  
笑然聞琉球近過不然自後勿許夥長陪宴準彼  
以革我式耳但我  
寡君恐舊禮廢督贅寢減實期將來豈敢受益宜  
從齋具而且請益而使忠順足以可嘉遂却所益  
既而十日琉使天界乃大屋子夥長等各服明服

修史館

金鼓儀狀進造于朝

此云御內

國老村田經定

林越前守服烏

帽下使井上為魚等

著服

導由榎合外暫就通間

經定乃迎受王書翰置對面所使所司各受聘物

悉陣席上

如壺等陳于緣蘓木類陳于庭其他使者贅陳于落間云

公召見

服烏帽

於對面所琉使三并行朝聘禮為

兼贊之夥長廻退

此日豫使尚常更命許夥長亦謁見宜於琉球必準是許之云

而賜之茗少間皆退入評定所各易衣服時天回

憇舍以疾起也

公及公弟歲久國老經定亦易常服

並袴各復肩衣

位於對面所宴賚天海伴僧金藏大屋子夥長等

修史館

如例雪岑亦侍一王大夫歌舞資與其燕飲也召

琉童松金等二人令行盃酒又召三人陪緣令彈三

絃俗云三線此謠其國風又樂工七人同奏管絃大樂

工四人鼓舞庭間以供宴樂又夜觀華火十二日

村田經定招饗琉使尚常為兼亦與招以領琉事

也二十一日命公歲左衛門尉君及島津忠常佐多常陸守

島津征久右馬頭島津季久喜入攝津守樺山規久兵部大輔

肝屬兼次三郎島津忠澄吉利下總守島津忠棟伊集院右

衛門大夫 本田董親紀伊守等講犬追物以島津久隅上川

守上野為檢見島津久倍町田伊賀守為之喚次而

公親臨召琉使與觀焉天界一作天海壯而賦詩福

冒寺代賢廣濟寺雪岑洛僧東雲及易且等亦陪

棧鋪多賡其韻

公及芳溪不漸院其阿淨光寺珠玄珠長高城氏等為國

歌者亦不少則天界詩曰射御朝昏習得來王良

執轡却遲哉薩州名士藝遊處不是湯洛兵馬埃

代賢詩曰玉勒金鞭追犬來雄資天驥最良哉飛

揚奔逸諸將術蹄下風生場不埃九州無事古今

來追犬馳駒乘興哉射似瞿相觀者堵如御其四

八馬蹄埃易且詩曰諸並轡遲威來箭已離絃勢

勇哉不啻能騎又能射漢家九逸是塵埃東雲詩  
曰人馬無端相得來逐風追電最時哉天公恩露  
薩陽遍射御試揚曾不埃二十三日  
公如芳野莅觀閱馬亦令琉使得寓目之以懷遠  
也時琉使以連珠瓶二隻食楹二層獻  
公於御棧敷聊謝恩也既而琉使辭朝回國此歲  
尚永遣使貢于明凡兩矣四年尚永又遣正議大  
蔡朝畧貢方物如例神宗命給賞外每五日別給  
鷄鶩米麵酒菓以示優異以戶科左給事中蕭崇  
業雲南人行人謝杰福建人為正副使齎詔及皮弁玉

圭來封尚永嗣王位五年封舟尚未至遣正議大  
夫梁灼往貢于明仍稱世子是歲大友侯宗麟請  
公遣人琉球六年四月尚永遣使梁燦等捧咨文  
迎接封舟是月尚永復使天界寺修翁妙巖寺等  
來聘本府聘物如例但獻

公弟庫君時在飯野城酒壺一個唐紅二竹上布

四十端綿四十把織物四端使僧執贄亦獻若織  
物三端線香二把又尚永饋新納忠真即扇子二  
本香合口箱金色下緒一筋老中村田經定伊集  
院忠棟河上意釣上野介忠喜入季久皆既平田

光宗左馬頭 上并某曰刑部少輔疑 唐紅各一介布

各二十端廣濟寺紗綾一端上布二十端綿十把

使僧餽老中六名織物各十端線香二把又餽福

昌大衆淨光興國南林等織物各一端綿各一把

線香各一把申口木田親貞下野守 伊地知重口樂雅

助伊地知勘解由左衛門尉 代官有川貞末長門守 大興寺

織物各一端線香各一把七島地頭伊地知重口

越後織物一端綿二把町地頭平田宗位民部左衛門尉

申口町田口口口伊賀守 白濱重口納戶伊地知重

口越後守 平野友知丹後守 町田久倍出羽守 鎌田政口

治部少輔 田代清口縫殿助 筆者二名一王大夫町別當

等織物各一端御側衆阿多久次源太 阿多忠辰掃部

助平田宗口右近 白濱重口次郎左衛門尉 野村綱口民部

少輔 珍阿彌田中 為阿彌野間 似阿彌春阿彌住吉

大夫父子上布各一端前此聘物照永正例多為

微薄故誥前使既見上章據是此聘應少益也八

年五月世譜作 神宗所遣蕭崇業等二十二日封

舟出海六月五日至那霸一日過葉壁山薄山下

挽舟五日 允海行十四日崇業等既行封冊禮以尚

永為琉球國中山王仍賜以皮弁冠服等物十月

二十四日出海十一月二日到定海所海行九日  
云乃遣王舅馬良弼往謝偕陪臣子鄭週等三人  
就学命送南京國子監如例給衣糧已又尚永使  
普門寺來聘本府是歲特命易首里門榜曰守禮  
之邦取諸冊詔辭而每冊使至必用之為禮平常  
如故後至唐熙年間遂易此額云九年尚永遣正  
議大夫梁燦往貢于明十一年四月二十二日尚  
永報根占七郎書又遣梁灼往貢俱如例十二年  
十二月<sup>甲</sup>山川船渡海琉球凡諸船無符契則不得  
渡為國典久矣於是九日夥長詣府因津留讚岐

謁國老覺兼

見上為兼即此

請命覺兼乃授符章既而開

洋例也尚永遙聞我藩境拓既併六國二十三日  
遣天王寺祖庭等齋翰及方物來朝本府三司官  
大里國上那吳呈國老書皆慶賀之也時河邊僧  
宗良者往董琉之圓覺寺別呈忠棟書饋明燭百  
斤亦為賀焉十三年四月祖庭出海二十七日入  
本府

公乃使丹生信房

稱備前守

迎勞之而導舍於小島某

稱<sup>縫</sup>所二十八日

覺兼作廿九日

國老木田親貞

稱下使野守

鎌田政口

治部左衛門尉○上井氏為白濱周防守

就舍勞之

受織物一端云

以親貞掌琉球口也

上井氏書琉球口 次前此村田經定掌琉球口

時親貞為申口知後代之今琉球掛

二十九日琉使祖庭導信房訪

親貞第為尚永王饋織物二端太平布十端燒酒

一器已亦進織物十端竹心香蠟燭廿挺燒酒一

器五月朔日祖庭造朝

此云御內形即大龍寺屋形

為尚永王獻

公燒酒二器蜜食楹一具

赤梨子地

唐盤一束

廿枚

白陣画花鳥廿枚外青漆綠赤漆或曰大小廿紅花百斤白絲十斤綸子

廿端織物世端蚕碧絲五十把唐名香七種唐墨

二挺方盆香盆各一枚唐紙二百枚又獻十三

翁主

應是指龜壽君

及一臺

應御局上氏

物件六

日親貞使筆

吏本田重口

刑部少輔

白濱重口

稱周防守

就誥琉使日聘

貢近疎且稍微薄加之三司官等翰無印篆頗失

失事大之禮琉使伏服八日

公召琉使琉使導舟生信房由小門外

雖開大門自謙讓云

造于朝國相親貞使白濱重口迎且贊之

公廼宴飲川上久隅

稱上野介

本田親貞等侍祖庭伴

僧及童子亦與召焉此日親貞使信房領三司官

聘物致國老五名

忠棟忠長光宗親貞覺兼

蚕碧絲各五把太

平布各十端九日祖庭徧訪國老等第饋縞織物

各三端線香各二把又使伴僧饋筆吏本田親口

少刑部等三負及納戶同朋等亦各有差十二日

公召川上久隅上并覺兼田政近出雲山田有信

新不斷光院新納忠元武藏伊集院久治下野佐

多忠增少官內平田宗口新四郎喜入久正大炊頭伊知

知重秀伯耆守等閑聯歌筵飲之燒酒莫不珍賞焉

親負亦招宴琉使於其宅例也七月復朝十三日

公使喜入季久攝位就舍以謝琉使先是

公親就謝為例久矣至是使貴顯臣攝行為謝蓋

自頃始也十八日

公裁回翰復尚永曰弊藩境長實如來諭茲羨慶

賀懇款可嘉願修舊好尚期永歲聊裁回翰薄儀

為謝二十一日琉使辭朝獻錫食搃夜

公使親負及白濱重口就授琉使回翰及鎧甲杉

原廿束錢廿貫貫或作束齋回報尚永又賚琉使以裕

五端金扇五本贐也十五年尚永遣使鄭禮之明

謝恩別遣貢使梁應宴賞悉如例十六年初

豐太閤一統日城海內群雄罔不臣服諸國聞風

皆朝貢於是我

松齡公亦朝京師而琉球未通聘帛以故八月

松齡公奉

太閤吉十六日手書命僧龍雲志布志大慈寺主僧往諭告

琉王及三司官等勸速遣使朝聘京師又使國老

島津紹節伊集院幸侃等亦命如之龍雲渡海以

諭王等聽命是歲十一月二十五日尚永卒年三

十五歲世譜為壽三十而生亦在位十六年無世

子十七年己丑國人立尚寧稱浦添王子即位初尚真

王之世子維衡稱浦添王子不協于父而避隱郊野生

弘業稱浦添王子弘業生子尚懿稱奧那城王子為尚寧父而

母乃尚永之妹也是歲五月琉球尚寧發使贈書

秀吉曰兼問日本六十餘州拜望下塵歸服幕下

加之及高麗南蠻亦偃威風天下太平橐弓撫四

夏之謂乎吾遠島淺陋小國雖難及一禮島津義

久公使大慈寺西院和尚蒙仰之條差上天龍桃

庵和尚明朝之塗物當國之土宜輕薄之進錄于

別楮為遂一禮也恐惶不宣外國往來書八月尚寧遣

天龍寺桃菴安谷屋親雲上姓孟氏名宗春充正副使齎

表及方物偕龍雲等朝聘京師船抵藩

公賞龍雲以琉使還二十一日賜雲親簡褒獎之

且免十年輪寺役特恩也二十四日

公發本府九月二十四日抵攝大坂桃菴等亦蓋



屬行乃  
公以琉使朝于聚樂  
大閤召見披緘讀表嘉王誠款特納方珍十一月  
十五日  
松齡公亦賜親簡賞龍雲之功如  
公所免焉十八年二月琉使等猶在大坂二十八  
日  
太閤復尚常書曰玉章披閱再三薰讀如同殿閣  
而聽芳言抑本朝六十餘州之中不遺寸地尺土  
悉歸掌握也頃又有游觀博知之志故欲弘政化

於異域者素願也茲先得貴國使節遠方奇物而  
頗以歡悅矣凡物以遠至為珍以罕見為奇者夫  
是謂乎自今以往其地雖隔千里深執交義則以  
異邦作四海一家之情者也自是當國方物聊投  
贈之目錄備于別紙餘蘊分付天龍寺桃菴東堂  
之口實也恐惶不宜  
外國往來書遠邦貢使特納方珍  
甚嘉忠順時思征韓併示其意乃命桃菴等齎歸  
賜王  
琉球使記桃菴使于大坂為天正十三年事然與大閤書不合況十三年則天王寺祖庭來既見前章本藩  
公以琉球人朝于霸府蓋首乎斯也是歲琉球商

船飄至朝鮮舟壞朝鮮王乃遣使送歸明京自明  
還國十九年

太閤命諸候起征明師當是之時

太閤又欲許龜井武藏所請別使彼帥兵往

伐琉球以悉領之然我

公及松齡公聞其將然乃就細川幽齋石田三

成屢陳來由且既有琉球因

公以通聘信矣豐臣譜為琉球未通聘帛加之間亦與大閤書不合則誤也

歲有原田孫七郎者屢舩商舶互市琉球頗識地

理有就親密臣以告于

太閤焉曰速赴琉球說征明役彼必來聘  
大閤從之九月遣琉球書令以諭旨宜於明春候  
出師期謁轅門於肥前營若懈愆期必遣水軍悉  
鑿島民易乎及掌既而遐域不得迴翰見豐臣氏又命  
我

貫明公因琉球久附庸於爾國嘗有聘問使爾仍

舊速徵兵賦以興征明國若逮遲急遣兵擊之見天

正廿年正月十九日朱璽書及二十一日玄旨三成書等以故十月

公下老臣議老臣相議此役

大閤使武庫君師我藩師及琉球兵壹萬五千

以征明國然於琉球僻處南海莫俗講武況未練  
習我軍法與徒徵兵寧賦齋糧則莫如乎以使出  
其七千口支十月糧限明年二月悉輸諸坊津且  
築陣營肥前名屋料亦宜別令輸公從之二十四日具裁檄致尚寧王令以徵發勿  
敢愆期王及三司官等得此等書大驚愕時有明  
同安船商陳甲者寓琉球典琉球長史鄭廸謀因  
進貢請封之使具以其情告明又還故鄉陳其事  
于巡撫趙參魯參告之明明史平壤錄征伐記乃  
遣其臣鄭禮等之貢明國依福建巡撫使趙參魯

以報聞之且言國方多事未暇請封禮部咨言父  
王既薨宜速請龍爵鎮壓國人毋以地方化事為  
辭宴賚如例又江右人許議俊自頃客藩業鑿亦  
與同鄉朱均旺相議依福建守臣告以此狀軍門  
告之明主云旺按許儀俊蓋許三官也其後送朱均  
作遐遊慙勳囑付忠君事盡意叮嚀滅冠籌知汝  
歸成蕪子景豈宜逗做李凌愁霜臺君問塵中事  
惟道斯民苦尚憂見全浙兵制當時事覺太閩怒  
欲鑄鍋煮之神祖乃諫曰明人告變各洩其情  
豈獨三官而今殺之恐未寬仁太閩乃止時三  
官以鑿得我公寵故未寬仁神祖竊救之云

而尚寧遣建善寺大龜茂留里大屋子使于本府  
其船未達

太閤復命 公責遲怠罪屢催琉球朝貢

本邦速出兵賦若其反之罪歸爾躬勿敢怠矣於

是十二月

公乃遣新納久鏡稱伊勢守齋

太閤檄往致尚寧更數其罪十九日

公亦贈王書及鐵參百斤曰勿必違令以速禍矣

按時久鏡為河邊地頭而坊津及硫磺島竹島黑島亦隸焉見久子抄此奉使蓋以其路所由故也

族二十年十二月改元正月

太閤又徵琉球賦十九日朱璽書命

公及松齡公令傳催之父祿二年尚寧遣天王

寺菊隱後所謂西來院是也及麻文仁親方金氏安恒齋兵糧米

輸本藩計會過半已矣冬遣鄭禮等如明進貢宴

賚如例是歲神宗遣使乞和於本邦

太閤乃令班師而惟使九築兵築猶戍朝鮮故如我

藩及琉球輸糧如初十二月

公遣成就院齋書及物件往傳尚寧嘉輸糧忠令

益徵焉三年六月尚寧附使僧還呈

公回翰曰羨弊賦徵雖徧募國窮島疲民無計償

出使僧所審知也只願憫察以加恩優隣好益修

永奉聘貢佳貺忻納不腆貢物聊具別楮炤諒幸

甚於是

太閤亦命公自慶府遣興國寺及伊地知重房

勝左衛門尉往催檢之既而反命時

公在京師故詣京師

公乃使重房等就石田三成以報其事四年琉球

使臣於霸世譜作遣于霸等迎等在明國為世子

尚寧請封福建撫臣許孚遠以倭氣未息議遣使

齎勅至福建聽來使即指霸面領或遣慣海武臣同

彼國使臣往得旨亦尚無虞神宗曰待世子表請

然後如議頒封是歲琉球人哈那等船飄至温州

浙江巡撫劉元霖以聞神宗命優恤遣還由是福

建撫臣差漳州人阮國護送回國後阮國球實明

萬曆二十三年二十四年秋尚寧遣金仕歷等往

貢而未幾慶長三年八月

太閤薨十二月

松齡公及世子還自朝鮮四年正月

松齡公益封五萬石世子忠恒任少將皆賞其

功也二月

貫明公乃使上原尚氏稱源右衛門尉齎時雨御旗如伏

見以傳

少將公且委國政慶賀之二十日

世子拜命是為

慈眼公

季安云公享國應在此時旧典抄為七年十二月謁神祖時事此是謂謝襲封却

似有於是乎

松齡公削髮更號惟新蓋告老也三月

公年誅叛臣幸侃於伏見邸其子忠直分兵於十

二堡自據都城以叛公

公還自洛親將討之是歲尚寧遣鄭道

所謂謝等

往貢方物請封于明部議今已海氣甚盛不必遣

官但取具該國王舅法司等官印結與世子奏本

到即領封神宗曰今既請封宜選廉勇武臣一員

同往行禮五年三月

神祖遣使成忠真於

公忠真乃降八月先是

松齡公以弟渭濱還自朝鮮令質于洛至是遣還

乃命

松齡公遣烏原宗安

喜右衛門開洋坊津護歸渭濱海

行無恙取梅花港遂到北京神宗乃嘉其勞特進

爵位宴賚宗安以亦勞焉居之月餘

神祖遣還渭濱之歸實藉我

松齡公有所維持故渭濱及其兄弟國器以倭譯

張昂

昂本南京人年十五喪父繼母將殺之乃遁來日本仕類娃久虎於類娃孫次郎天

正十五年久虎卒然後聞繼母亦死倭類娃氏還南京迨本邦往伐朝鮮明將徵昂亮倭譯所謂日

本通事等托宗安還厚謝其恩且約東從福州歲

遣二商艘互市薩摩既而宗安所乘舟古不任回

掉更乞一隻十二舟許之贈銀五百錢刀一口鉄

炮一挺謝撫官而出海回坊以實報聞皆非此月事因

始記九月

松齡公在伏見邸應關西軍及

神祖師戰于關原西軍敗績

松齡公善師而還是年尚寧遣蔡奎等奉表進貢

仍請封神宗詔議遣武臣六年初我師之戍泗川

也泉州堺人伊丹屋某曰助以商知名遂遷受塵

於府下及山川而家頗富焉去歲聞宗安還自關

言今年商舶將來于藩要硫磺洋竊為海寇擊斃

其人悉盜財貨燔船隱迹世莫知者前此尚寧請

封禮部右侍郎署尚書事朱國祚言琉球國僻處

東南世修職貢時當兼襲屢遭倭警延迨至今既

經世子尚寧奏請相應准封其該用皮弁冠服紵

絲等項宜照例應付遣官已奏明旨但據其陳乞

情詞援引會典必以文臣為請惟聖明裁定乃命  
兵科給事中洪瞻祖行人王士禎為正副使往時  
海氣未息猶未開洋瞻祖以憂去世譜以病卒云以兵科  
右給事中夏子陽代之貢使蔡奎等先回失路福  
建守臣仍遣漳人阮國毛國弼護送歸國後毛氏奉旨受  
馳是歲尚寧遣鄭迨等進貢再疏乞差文臣始改  
後命於時子陽等方齎勅入閩而巡按方元彥以  
濱海多事偕撫臣徐學聚請仍遣武臣前往子陽  
等具言屬國言不可爽使臣義當有終乞堅成命  
以慰遠人俱未報而禮部侍郎李廷機言宜斷行

行領封初旨并武臣之遣而罷之於之御史錢桓  
給事中蕭道高各具疏力言其不可且言此儀當  
在欽命未遣之先不當在冊使既行之後宜行該  
撫速造海船勿誤今年渡海之期候事竣復命然  
後定為畫一之規先之以文告令其領封海上永  
為遵守從之七年尚寧遣王舅毛繼祖等表進貢  
賀冊立東宮并謝還漂流人口此年我藩遂及閩  
東戍八月  
公如伏見當是時伊集院忠真陰謀叛逆  
公乃殺諸野尻尋滅其族而後遂行十二月謁



神君於伏見城冬琉球商船漂到奥州

神祖素知為我附庸故命諸驛途次給馬護送我藩

八年三月

公既還乃遣歸琉球

一說此年九月尚寧遣安國寺來賀公襲封云而九年

九月其然典此松齡公復尚寧書則催欲

實藉

神祖憫麻矣初

太閤檄命我藩傳諭琉球王隸藩出賦

公乃遣久饒等齋檄文往催檢輸糧且告因我請

既拒龜井難於千里外之狀猶且琉球不聽却如

有疑於是

貫明公召報恩寺示之真本令托其還以傳前旨

是年本邦僧袋中渡海琉球蓋報恩寺所借之也

居之三年著神道記一部云又琉球船漂到我甌島及肥前平

砥平砥炭松浦法印亦知我附庸報于藩曰遭風壞船

將以他船送回貴藩請其處宜

公已謝答乃命所司令職候至以遣歸國然而琉

人自平砥還一說十年法貽藩耻辱

公等罪其無通一言乞我指揮乃命甌島留其琉

船止縱夥長二人令回報實九年二月

貫明公遣使齋翰往諭尚寧等數責其罪勸速遣

使朝貢以謝齊使神祖恩若猶不順自恃海險雖欲不危忽招舟師其

其慎擇之於是九月尚寧王遣中村親雲上姓蔡氏名

政茂見琉球記但無年月載已酉前按南浦來聘集此年聘使不載姓名故姑補書以備考耳

松齡公於帖佐前此

松齡公既老矣故却不受琉使固請遂容納之二

十七日托其使者齎回翰還傳尚寧等告躬遜位

曰將來聘貢必朝麁府勿負舊盟今所以受特慰

遠情若雖復之終以却耳請其思之十年神宗命

夏子陽等作速渡海以彰大信仍傳諭彼國以後

領封海上著為定規於是子陽等齎詔之國五月

二十四日封舟出海六月一日至那霸海行凡八

日乃行封禮冊尚寧為琉球國中山王仍賜以皮

弁冠服等物申是尚寧假明威力愈踈本邦故

七月

公及松齡公遣本田親貞助齎疏之駿武就本

田正信本田正純山口直友請致征討八月正純

等以聞

神祖及台德廟十九日直友兼旨命親貞齎返翰

歸傳

松齡公曰須先遣使屢勸來聘而猶不庭應必與  
公謀加征討十月冊使事竣廿一日封舟出海十一  
月到五鹿門間歲

貫明公寢疾矣

神祖遣醫祐來來診且療乃癒焉於是

公遣使齎表及砂糖五百斤之駿府獻以謝恩十二

月廿五日

神祖忻納特嘉誠欵命使者齎親翰歸賜

貫明公按時琉球未製砂糖蓋明製也是歲明萬曆三

十三年也琉球久米邨總官野國者得番薯種還自閩

洲初番薯種本呂宋國被野連山不待種植夷人  
隨地掘取以佐穀食而其國在閩海南又渡其西  
為西洋國多產金銀其國行銀如中國行錢而金  
銀皆轉載呂宋以利通商故閩人多賈於呂宋由  
是晉安人陳振龍者久駐呂宋貿易之日深知朱  
薯功均五穀利益夷人然國所賴禁種洩外不敢  
與客振龍乃囑夷人以利萬曆廿二年我朝文陰  
得其藤數尺併得刈植藏種法五月開洋七日返  
棹時值歲荒民饑而錢塘人金學曾為巡撫于福  
建籌備荒策乃六月一日振龍之子張經綸稟帖

敬陳種薯之利上其種與法學曾聽之速即覓地  
試裁俟收成之日果有成效將薯呈驗另行通飭  
可也於是經綸治畦隙地依法栽植滋息蕃衍其  
傳遂廣廿四年學曾復取其法為海外新傳刊行  
于世遍給農民東西南北無地不置秋間發掘子  
母鈎連如拳如臂遠近食裕荒不亦害民德金氏  
故名為金薯云其刊發實我慶長元年也自時至  
是為十年矣野國插鉢中以歸方其植之有儀間  
親方名曰真常者乞得其種訪栽培方野國亦猶  
未諳其法以所傳習粗為指授令栽植之真常如

教者凡七八年值荒且饑得大免憂由是真常深  
信種薯功倍於五穀利益民生為救荒第一義遍  
教國民益廣其傳歲加工夫始悟栽莖易於省功  
凡十五年闔國受法家習戶傳莫各不利野國得  
種以歸其功不異乎張氏之買種呂宋而儀間廣  
傳其勲不讓乎金氏之遍教閩州到今琉球山岡  
野被連菁鬱勃民享其遺福實為益深矣冊使周  
煌所謂中山米惟國王及諸貴族官家得食小民  
皆食番薯云可併觀也是故歲荒輒國王命儀間  
氏設壇於赤平儀間地名率村父老世祭野國永為故

亦似閩中父老祀金公例方我寬永十二年也且儀間氏世襲地頭亦因其功云按薯入琉球凡十五年遍移閩國應元和五年也自萬曆甲午即二十二年方我文祿三年番薯入閩僅廿六年矣後歷五年天啟甲子明大學士葉向高福清人數金薯利始為之賦實我寬永元年也後十二年崇禎己卯閩中父老建祠祀金公紳士歌咏以紀其事後三十年許至康熙初我寬永初布種鄞縣蓋至頃年我藩亦山川岡兒水農人治右衛門者乞種歸鄉受法試栽隣近競傳蕃衍三州其在呂宋名之曰薯迨其入閩謂之地瓜或

以種木番謂之番薯因金氏遍教栽培方復名為金薯從琉移藩謂之琉球薯農業全書或因種木唐復名為唐薯故至治右衛門死于寶永二年里人謂其墓曰唐薯殿歲時祭之云應依閩流例也自是漸廣于他州因其種木薩摩世皆名為薩摩薯而享元間在武價貴一薯一奴云時雖唐土至如山東猶未曾植方我寬延寶曆間閩人陳氏等務移種於膠州及濰縣河南河北京師等則薯入藩可謂前於彼也矣此年尚寧命以天界寺為廟止請遺戚受王薦者而奉安焉慶長十一年冊使夏子

陽等琉球事竣復命其在琉球也錄琉球事云尚  
寧遣王舅毛鳳儀及正議大夫阮國如明謝恩并  
以二使所却贖金上於朝神宗命來使齎回尚寧  
附奏洪永間賜閩人三十六姓知書者授大夫長  
史以為朝貢之司習海者授通事總官為指南之  
備今世久人湮文字音語海路更針常違錯乞依  
往例更賜事下禮部寢之是歲尚寧遣崇元寺宜  
謨里主來聘本府賀

公襲封如例并兼神宗旨傳招宗安至于琉球蓋  
以明船不回故也

一說琉球船此年亦漂到平砥  
平砥侯遣送回國疑前年一事

先是本邦多歸

神祖東西諸侯莫不朝覲焉故

貫明公遣島原對馬即宗等諭告三司官勸尚寧

王通聘於

神祖以賀一統于時謝那池尾等居三司官而謝那

姓鄭名迴字利山俗稱謝那親方閩人三十六姓

之一而都通事鄭祿之第二子也嘉靖乙丑永祿八年

入明大學萬曆乙巳謔法司翁寄松貶為百姓而

迴代為法司凡三十六姓不用法司其用之自鄭

迴始而尤當路擅竊威柄鉅織政事皆決謝那其

為人也材力超眾自誇已智殆至茂王且明不遣  
商船者三十餘年于此矣

公兼

島京

神祖旨遣使鳥原宗安等小官之琉球說三司官等

傳諭明國必遣商船通互市道謝那不從蓋欲明

張其威力也是年

公在伏見命鳥津忠長等先造戰艦來秋起師以

討大島

貫明公乃命僧文之起艸其事以致尚寧盡理諭

之曰猶不來聘舟師問罪請其擇之九月

公托來使以致回翰附齋書及金屏二隻歸致明

使忻其招宗安猶言前請

前此商助四郎聞明遣高船要硫磺洋竊為

海寇悉盜貨物燔船秘事此公為請於高罪狀似未發覺既而事顯捕擊之兒水以聞大阪肆諸

津港遂皆磔殺初朝鮮之役本藩同琉球出兵壹

於市來湊云萬五千命也故議令輸七千口支十月糧特羅出

兵而僅輸半猶多闕員於是乎謝那池城等因七

島影長請假府銀以補未進歲附影長輸米漸償

七島古說為假銀二百五十貫錢又琉球說後迨國頭質于府館得公寵遇負債猶多請公棄

券云應是事也本府聽之後歷年所未及盡還納其銀也

故遣影長就謝那等督責未進謝那拒焉曰既已

計會無亦所償夥長曰吾儕船則未嘗載矣謝那  
大怒遂械其膈既而解還由是夥長以聞

本府是年築駿府城命諸侯助工料十一月檄命

公特免助役以有事于琉球也十二年神宗許以

阮國毛國鼎二人入琉球臣籍依尚寧有請故也

阮毛二姓今在唐榮者其後云十三年九月

公既聞

神祖及台德廟起舟師又遣僧龍雲大慈寺主雪山

今廣濟寺主及鳥原宗安等往且盡理論尚寧及三司

官等必朝聘

神祖并督問濫刑謝那固拒不敢聽從却至侮詈大


耻使僧使僧返棹道泊中島七島之一遣人回報

本府先是日秀之在琉球也行刻辨財天國司乃

祀諸浪上至是龍雲竊取其像又寫國圖併以獻

云傳集是歲明萬曆三十六年也尚寧遣使鄭子

孝等十三人往貢宴賚如例





計會無亦所償夥長曰吾儕船則未嘗載矣謝那  
大怒遂械其膺既而解還由是夥長以聞

本府是年築駿府城命諸侯助工料十一月檄命

公特免助役以有事于琉球也十二年神宗許以

阮國毛國鼎二人入琉球臣籍依尚寧有請故也

阮毛二姓今在唐榮者其後云十三年九月

公既聞

神祖及台德廟已起舟師又遣僧龍雲大慈寺主雪山

今廣新及鳥原宗安等往且盡理論尚寧及三司

官等必朝聘

神祖并督問濫刑謝那固拒不敢聽從却至侮詈大

耻使僧使僧返棹道泊中島七島之一遣人回報


本府先是日秀之在琉球也行刻辨財天國司乃

祀諸浪上至是龍雲竊取其像又寫國圖併以獻

傳集是歲明萬曆三十六年也尚寧遣使鄭子

孝等十三人往貢宴賚如例





Vertical columns of handwritten Japanese text in a traditional style, contained within a rectangular border. The text is arranged in approximately 12 columns, reading from right to left. The characters are finely written and densely packed.

作  
史  
食

